



22 Februari 2018
22 February 2018
P.U. (A) 53

WARTA KERAJAAN PERSEKUTUAN

FEDERAL GOVERNMENT GAZETTE

PERATURAN-PERATURAN INSTITUSI PENDIDIKAN TINGGI SWASTA (PENUBUHAN INSTITUSI PENDIDIKAN TINGGI SWASTA DAN CAWANGAN) 2018

PRIVATE HIGHER EDUCATIONAL INSTITUTIONS (ESTABLISHMENT OF PRIVATE HIGHER EDUCATIONAL INSTITUTION AND BRANCH) REGULATIONS 2018

DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA INSTITUSI PENDIDIKAN TINGGI SWASTA 1996

PERATURAN-PERATURAN INSTITUSI PENDIDIKAN TINGGI SWASTA
(PENUBUHAN INSTITUSI PENDIDIKAN TINGGI SWASTA DAN CAWANGAN) 2018

PADA menjalankan kuasa yang diberikan oleh seksyen 88 Akta Institusi Pendidikan Tinggi Swasta 1996 [*Akta 555*], Menteri membuat peraturan-peraturan yang berikut:

Nama dan permulaan kuat kuasa

1. (1) Peraturan-peraturan ini bolehlah dinamakan **Peraturan-Peraturan Institusi Pendidikan Tinggi Swasta (Penubuhan Institusi Pendidikan Tinggi Swasta dan Cawangan) 2018**.

(2) Peraturan-Peraturan ini mula berkuat kuasa pada 23 Februari 2018.

Permohonan bagi kelulusan untuk menubuhkan institusi pendidikan tinggi swasta

2. (1) Suatu permohonan bagi kelulusan untuk menubuhkan suatu institusi pendidikan tinggi swasta di bawah seksyen 6 Akta hendaklah dibuat oleh pemohon kepada Ketua Pendaftar dalam Borang A sebagaimana yang dinyatakan dalam Jadual Pertama.

(2) Permohonan di bawah subperaturan (1) hendaklah disertakan dengan—

(a) apa-apa dokumen sebagaimana yang ditentukan oleh Ketua Pendaftar; dan

(b) fi sebagaimana yang dinyatakan dalam Jadual Kedua.

(3) Fi yang disebut dalam perenggan (2)(b) hendaklah kena dibayar kepada Ketua Pendaftar.

Keperluan yang ditetapkan

3. Bagi maksud perenggan 9(c) Akta, keperluan yang ditetapkan adalah seperti yang berikut:

- (a) pemohon itu berkebolehan untuk menyediakan tapak dan premis bagi kegunaan institusi pendidikan tinggi swasta itu;
- (b) pemohon itu mempunyai pengalaman yang bersesuaian atau rekod prestasi yang cemerlang dalam pendidikan;
- (c) pemohon itu berkebolehan untuk menyediakan guru yang berkelayakan dan berpengalaman dalam bidang yang berkaitan bagi institusi pendidikan tinggi swasta itu;
- (d) pemohon itu mempunyai kedudukan kewangan yang kukuh dan berkebolehan untuk menyediakan pengurusan kewangan yang baik bagi institusi pendidikan tinggi swasta itu; dan
- (e) pemohon itu berkebolehan untuk mengendalikan kursus pengajian atau program latihan secara bersendirian atau secara bergabung, bersekutu atau bekerjasama dengan mana-mana institusi pendidikan tinggi swasta atau badan profesional.

Modal terbitan dan berbayar atau dana permulaan syarikat

4. (1) Bagi maksud perenggan 12(1)(a) Akta, modal terbitan dan berbayar bagi pemohon itu hendaklah tidak kurang daripada satu juta ringgit.

(2) Bagi maksud perenggan 12(1A)(a) Akta, dana permulaan bagi pemohon itu hendaklah tidak kurang daripada satu juta ringgit.

Permohonan bagi kelulusan untuk menubuhkan cawangan

5. (1) Suatu permohonan bagi kelulusan untuk menubuhkan suatu cawangan di bawah seksyen 18 Akta hendaklah dibuat oleh institusi pendidikan tinggi swasta kepada Ketua Pendaftar dalam Borang B sebagaimana yang dinyatakan dalam Jadual Pertama.

(2) Permohonan di bawah subperaturan (1) hendaklah disertakan dengan—

(a) apa-apa dokumen sebagaimana yang ditentukan oleh Ketua Pendaftar; dan

(b) fi sebagaimana yang dinyatakan dalam Jadual Kedua.

(3) Fi yang disebut dalam perenggan (2)(b) hendaklah kena dibayar kepada Ketua Pendaftar.

Pindaan perakuan pendaftaran

6. Institusi pendidikan tinggi swasta hendaklah mengemukakan perakuan pendaftaran yang dikeluarkan di bawah subseksyen 24(9) Akta kepada Ketua Pendaftar bagi pindaan dalam tempoh tiga tahun dari tarikh kelulusan untuk menubuhkan suatu cawangan di bawah perenggan 18(6)(a) Akta.

Pembatalan

7. Peraturan-Peraturan Institusi Pendidikan Tinggi Swasta (Penubuhan) 1997 [P.U. (A) 539/1997] dibatalkan.

Kecualian

8. Semua permohonan yang dibuat di bawah Peraturan-Peraturan Institusi Pendidikan Tinggi Swasta (Penubuhan) 1997, yang disebut sebagai “Peraturan-Peraturan yang dibatalkan” di bawah peraturan ini, yang belum selesai sebaik sebelum tarikh permulaan kuat kuasa Peraturan-Peraturan ini hendaklah, pada tarikh permulaan kuat kuasa Peraturan-Peraturan ini, diuruskan di bawah Peraturan-Peraturan yang dibatalkan seolah-olah Peraturan-Peraturan ini tidak dibuat.

JADUAL PERTAMA

[Peraturan 2 dan 5]

BORANG A

PERATURAN-PERATURAN INSTITUSI PENDIDIKAN TINGGI SWASTA
(PENUBUHAN INSTITUSI PENDIDIKAN TINGGI SWASTA DAN CAWANGAN) 2018

PERMOHONAN BAGI KELULUSAN UNTUK MENUBUHKAN INSTITUSI PENDIDIKAN
TINGGI SWASTA

Ketua Pendaftar Institusi Pendidikan Tinggi Swasta,

Saya memohon bagi penubuhan—

(Nota: Sila tanda (✓) mana-mana yang berkenaan)

☐

Universiti

☐

Kolej Universiti

☐

Kampus cawangan luar negeri

☐

Kolej

Nota:

BAHAGIAN I – Untuk diisi oleh syarikat berhad menurut syer

BAHAGIAN II – Untuk diisi oleh syarikat berhad menurut jaminan